

534.00 LACAGTA CUNTADA EE AAN LA BIXININ

I. UJEEDDO

Dugsiyada Dadweynaha ee Saint Paul (SPPS) waxay aaminsanyihiin in ardayda sida wanaagsan loo nafaqeeyay ay u diyaarsanyihiin inay wax bartaan. U'jeeddada xeerkani waa in la hubiyaa in ardayda SPPS ay helaan cunno nafaqaysan oo caafimaad ah iyadoo loo soo marinayo Barnaamijka Nafaqada Carruurta, islamarkaana ay iskuullada, shaqaalaha iyo qoysasku ay isku si u fahamsanyihiin uguna xisaabtamayaan qimaha iyo kharashaadka cunnada. Xeerkani wuxuu sahlayaa in la xakameeyo in la ogaado ardayda uu qarashka u yaallo yar yahay, in meesha laga saaro in ardayda aan iska bixin karin kharashka cunnada lagu ceebeeyo, islamarkaana la hubiyo in iskuulladu helaan kharash ay ku dabaraan barnaamijka nafaqada ardayda.

II. BIXINTA LACAGTA CUNTADA

- A. Sanad walba, qoysasku waa inay buuxiyaan Foomka Macaashka waxbarashada/Cuntada Lacag la'aanta ah ama Qiimaheeda la Dhimay.
1. Qoysaska hela waraaq sheegaysa inay xaq u leeyihiin oo si toos ah loo aqoonsaday inay heli karaan cuntada lacag la'aanta ah ama qiimaheeda la dhimay inta ka horreysa bisha Sebteembar 1, uma baahna inay soo buuxiyaan arjiga macaashka waxbarashada.
 2. Siyaabo kala duwan ayaa qoysaska loogu diyaarin doonaa arjiyada sida in boostada ama email ahaan loogu soo diro ka hor billowga sanad-dugsiyeedka, ama in la dhigo xafiiska iskuulka, ama barta internet-ka ee Waaxda Nafaqada, ama in laga dalban karo Waaxda Cunnada.
 3. Qoysasaka u baahan in laga caawiyo buuxinta arjiga waxay la xiriiri karaan Waaxda Cunnada ama xafiiska iskuulkooda.
- B. Lacag ayaa lagu shubi karaa santuuqa cunnada ee ardayga iyadoo la isticmaalayo lacag caddaan ah, jeegag ama kaararka bangiyada. Habka loo bixiyo lacagaha cunnada waxaa laga heli karaa barta internet-ka ee Waaxda Cunnada ee SPPS, ama waxaad ka ogaan kartaa xafiiska iskuulkaaga.
- C. Dhammaan ardayda waxaa la siinayaa cunto sida jadwalka cuntada ku qoran iyadoon loo eegaynin in santuuqoodu maranyahay ama lacag ay ku jirto.
1. SPPS waxay aaminsanyihiin in ay ku jirto danta dhammaan bulshada iskuulladeena in arday kasta uu helo cunto nafaqaysan.
 2. Ardayda loo go'aamiyay inay heli karaan cuntada lacag la'aanta aha ama qiimaheda la dhimay ee ka diwaan-gashan barnaamijka Community Eligibility Provision, waxay helayaan cunto dib loo bixin karo xitaa haddii uu santuuqoodu maranyahay ama lacag la'aan yahay.
 3. Haddii arday lacagta cuntada lagu leeyahay, jawaab-celintu waxay noqonaysaa sida lagu sharaxay qeybta hoose ee IV.
 4. Ma jiri doono cunto si tafaariiq ah loo dalban karo ilaa ay ardayga santuuqiisu ku jirto lacag ku filan kharashka cuntada.
- D. Marnaba ma dhici karto in arday lagala noqdo cunto la siiyay.

III. OGEYSIINTA MARKA LACAGTA CUNTADA EE ARDAYGU DHAMAATO AMA YARAATO

- A. Marka lacagta ku jirta santuuqa ardayga ay yaraato ama dhamaato, waxaa la qaadaa tallaabooyinka soo socda si waalidka/masuulka loo ogaysiiyo:
1. Marka uu santuuqa cuntada ee ardayda dugsiyada hoose gaaro in lagu yeesho kharash dhan labo cunto, macallinka ardayga ayaa loo sheegaa inuu akhbaar u diro waalidka/masuulka oo loogu sii dhiibo ardayga.
 2. Dhammaan ardayda SPPS:
 - i. Marka uu santuuqa cuntada ee ardayda dugsiyada hoose gaaro in lagu yeesho kharash dhan shan cunto, waxaa waalidka farriin cod ah loogu diraa telefoonka.
 - ii. Marka uu santuuqa cuntada ee ardayda dugsiyada hoose gaaro in lagu yeesho kharash dhan shan cunto, Xafiiska Waaxda Nafaqada ayaa waalidka u dira waraaq, iyadoon la faafinaynin laakiin si asturan oo ixtiraam ku jiro ayaa loogu diraa.
 - iii. Marka uu santuuqa cuntada ee ardayda dugsiyada hoose gaaro in lagu yeesho kharash dhan toban cunto, waxaa la ogeysiisaa maamulaha iskuulka. Shaqaalaha iskuulka ayaa la hadla

waalidka ardayga si ay u qiimeeyaan baahida qoyska una caawiyaan, islamarkaana u dalbadaan in la bixiyo lacagta cuntada.

- B. Xusuusinta ku aaddan bixinta baaqiga cuntada ee ardayga lagu leeyahay hoos uma dhigeysa ama ma ceebayn doonto arday walba oo ka qaybqaadanaya barnaamijka qadada dugsiya, baaqigaas oo ay ku jiraan, laakiin aan ku koobneyn, daadinta cuntada, ka noqoshada cunto ardayga la siiyay, kaga dhawaaqidda ama ku qorida magacyada ardayda meel fagaare ah, ama ku dhejinta magacyada ardayda istiikaro, istaambooyin, ama biinanka.

IV. LACAGTA CUNTADA EE AAN LA BIXININ

- A. Dadaalka loo galayo in lagu bixiyo lacagaha cuntada ee lagu leeyahay ardayda marnaba ma fuquuqayaan mana ceebaynayaan ardayga.
- B. Degmadu waxay ku dadaali doontaa inay qoysaska la xiriirto sidii loo xallin lahaa bixinta lacagaha cuntada. Qoysaska waxaa lagu dhiirri galinayaa inay soo buuxsadaan arjiga cunnada lacag la'aanta ah ama qiimaheeda la dhimay si ay ilmahoodu u helaan cunto. Qoysasak horay u buuxiyay arjiga ee uu ku yimid qoyskooda is-baddal xooggan oo dhinaca tirada sida dhalasho ilmo cusub ama is-baddal dhaqaale waa inay mar labaad soo buuxiyaan arjiga. Qoysaska ay ku adag tahay inay iska bixiyaan lacagta cuntada waxay la soo xiriiri karaan Waaxda Nafaqada si loogu sameeyo qorshe ay iskaga bixiyaan lacagta cuntada.
- C. Degmadu waxay dadaal ku bixin doontaa inay soo xarayso daymaha lacagta cuntada; laakiin, marka dadaalkani keeni waayo wax natiijo ah oo uu lacagta soo xarayn waayo, daymaha waxaa dib loogu soo celiyaa iskuulka waxaana laga soo jaraa miisaaniyadda iskuulka si loogu bixiyo lacagta cuntada.
- D. Degmadu marna kama qeybgalin doonto kamana dalban doonto in qof aan ka tirsanayn shaqaalaha degmada uu soo aruuriyo daymaha lacagta cuntada, sida dad samaynaya tabarucaad ama shirkadaha daymaha soo aruuriya.
- E. SPPS ma soo rogi doonto xayiraad kale oo ka mamnuuc ah sida uu dhigayo Xeerarka Minnesota qaybta 123B.37 sababo la xiriiro baaqiga cuntada ardayga oo aan la bixin. SPPS sababo la xiriiro baaqiga cuntada ardayga ee aan la bixin awgood uma xaddidi doonto ka qayb galka ardayga ee hawlaha iskuullada, xafladaha qalin-jabinta, safarada gaaban ee waxbarasho, ciyaaraha fudud, naadiyada ardayda, ama hawlaha kale ee manhajka ka baxsan ama helitaanka agabka, tignoolajiyada, ama alaabta kale ee la siiyo ardayda.

V. XEERKA KU AADDAN XIRIIRKA

- A. Xeerkan iyo dhammaan macluumaadka kale ee ka hadlaya hawshan waxaa lagu diyaarin doonaa qaab qoraal ah (sida; in lagu soo diro boostada, email, buugga back-to-school, buugga gacan-qabsiga ee ardayda, tababarka shaqaalaha, iwl.) waxaana loo gudbin doonaa:
 1. Dhammaan qoysaska ka hor intuuusan billaabanin sanad-dugsiyeed kasta;
 2. Ardayda iyo qoysaska u soo baddasha iskuullada dagmadeena, xilliga lagu jiro diiwaan-galinta; iyo
 3. Dhammaan shaqaalaha iskuullada ee degmada ee masuulka ka ah hawlaha diiwaangalinta.
- B. Sidoo kale, xeerkan waxaa lagu daabici doonaa barta internet-ka ee Degmada.

TIX-RAACA SHARCIYADA

Minn. Stat. § 123B.37 (Prohibited Fees)

Minn. Stat. § 124D.111, Subd. 4

42 U.S.C. § 1751 *et seq.* (Healthy and Hunger-Free Kids Act)

7 C.F.R. § 210 *et seq.* (School Lunch Program Regulations)

7 C.F.R. § 220.8 (School Breakfast Program Regulations)

USDA Policy Memorandum SP 46-2016, Unpaid Meal Charges: Local Meal Charge Policies (2016)

USDA Policy Memorandum SP 47-2016, Unpaid Meal Charges: Clarification on Collection of Delinquent Meal Payments (2016)

USDA Policy Memorandum SP 23-2017, Unpaid Meal Charges: Guidance and Q&A

TIX-RAACA SHARCIYADA KALE:

Policy 533.00 – Wellness